

ÁKVÖRÐUN SAMEIGINLEGU EES-NEFNDARINNAR
nr. 61/2004

frá 26. apríl 2004

um breytingu á XIII. viðauka (Flutningastarfsemi) við EES-samninginn

SAMEIGINLEGA EES-NEFNDIN HEFUR,

með hliðsjón af samningnum um Evrópska efnahagssvæðið, með áorðnum breytingum samkvæmt bókun um breytingu á samningnum um Evrópska efnahagssvæðið, er nefnist hér á eftir „samningurinn“, einkum 98. gr.,

og að teknu tilliti til eftirfarandi:

- 1) XIII. viðauka við samninginn var breytt með ákvörðun sameiginlegu EES-nefndarinnar nr. 2/2004 frá 6. febrúar 2004 ⁽¹⁾.
- 2) Reglugerð Evrópuþingsins og ráðsins (EB) nr. 2320/2002 frá 16. desember 2002 um sameiginlegar reglur um flugvernd í almenningssflugi ⁽²⁾ skal felld inn í samninginn.
- 3) Sökum hnattstöðu Íslands og strjálbýlis landsins, svo og samsetningar flugvélaflotans sem notaður er í innanlandsflugi á Íslandi, er nauðsynlegt að undanþiggja innanlandsflug á íslensku yfirráðasvæði ákvæðum reglugerðar (EB) nr. 2320/2002. Fullnægjandi vernd næst með öryggisreglum sem gilda í innanlandsflugi á Íslandi samkvæmt landslögum.
- 4) Vegna sérstakra aðstæðna í Liechtenstein, sem stafa af því að yfirráðasvæðið er mjög lítið og staðhættir óvenjulegir og af þeirri staðreynd að heildarflugumferð í landinu er mjög lítil, ekkert reglulegt millilandaflug er stundað frá Liechtenstein og aðstaða til almenns flugs takmarkast við einn þyrfluflugvöll, er rétt að láta reglugerð (EB) nr. 2320/2002 ekki gilda um núverandi aðstöðu til almenns flugs á yfirráðasvæði Liechtensteins.
- 5) Sökum þess að flestir norskir héraðsflugvellir eru afskekktir og fullnægjandi vernd næst með öryggisreglum sem gilda í innanlandsflugi í Noregi samkvæmt landslögum er rétt að breyta deginum sem reglugerð (EB) nr. 2320/2002 kemur til framkvæmda á tilteknum héraðsflugvöllum í Noregi.

ÁKVEÐIÐ EFTIRFARANDI:

1. gr.

XIII. viðauki við samninginn breytist sem hér segir:

1. Eftirfarandi liður bætist við á eftir lið 66g (tilskipun Evrópuþingsins og ráðsins 2003/42/EB):

„66h. **32002 R 2320**: Reglugerð Evrópuþingsins og ráðsins (EB) nr. 2320/2002 frá 16. desember 2002 um sameiginlegar reglur um flugvernd í almenningssflugi (Stjtið. EB L 355, 30.12.2002, bls. 1).

Ákvæði reglugerðarinnar skulu, að því er samning þennan varðar, aðlöguð sem hér segir:

⁽¹⁾ Stjtið. ESB L 116, 22.4.2004, bls. 42 og EES-viðbætur við Stjtið. ESB nr. 20, 22.4.2004, bls. 3.

⁽²⁾ Stjtið. EB L 355, 30.12.2002, bls. 1.

- a) Ákvæði reglugerðar þessarar gilda ekki um innanlandsflug um flugvelli á íslensku yfirráðasvæði.
- b) Ákvæði reglugerðar þessarar gilda ekki um núverandi aðstöðu til almenns flugs á yfirráðasvæði Liechtensteins.
- c) Reglugerð þessi kemur til framkvæmda eigi síðar en 1. janúar 2005 á þeim héraðsflugvöllum í Noregi sem um getur í 8. viðbæti við XIII. viðauka, enda sé eftirfarandi skilyrðum fullnægt:
 - i) Ekkert reglulegt millilandaflug sé stundað frá flugvöllum.
 - ii) Á þeim flugvöllum í Noregi þar sem reglugerðin hefur komið til framkvæmda að fullu séu gerðar nauðsynlegar mótvægisráðstafanir vegna flugs frá sérhverjum þessara héraðsflugvalla – til að mynda með aðskilnaði brottfararfarþega, sem hafa farið í gegnum öryggiseftirlit, og komufarþega sem hafa ekki farið í gegnum öryggiseftirlit samkvæmt ákvæðum reglugerðarinnar, og með því að endurtaka eftirlit með farþegum og farangri – til þess að tryggja að öryggi sé ekki ábótavant.“

2. Fyrirsögnin „**8. VIÐBÆTIR**“ bætist við í lok XIII. viðauka.

3. Texti viðaukans við ákvörðun þessa bætist við sem texti 8. viðbætis við XIII. viðauka.

2. gr.

Íslenskur og norskur texti reglugerðar (EB) nr. 2320/2002, sem verður birtur í EES-viðbæti við *Stjórnartíðindi Evrópusambandsins*, telst fullgiltur.

3. gr.

Ákvörðun þessi öðlast gildi hinn 27. apríl 2004 að því tilskildu að allar tilkynningar samkvæmt 1. mgr. 103. gr. samningsins hafi borist sameiginlegu EES-nefndinni (*).

4. gr.

Ákvörðun þessi skal birt í EES-deild *Stjórnartíðinda Evrópusambandsins* og EES-viðbæti við þau.

Gjört í Brussel 26. apríl 2004.

Fyrir hönd sameiginlegu EES-nefndarinnar
Formaður

P. Westerlund

Ritarar
sameiginlegu EES-nefndarinnar

Ø. Hovdkinn M. Brinkmann

(*) Engin stjórnskipuleg skilyrði gefin til kynna.

VIÐAUKI
við ákvörðun sameiginlegu EES-nefndarinnar nr. 61/2004

„Héraðsflugvellar í Noregi sem um getur í aðlögunarlið c) í lið 66h (reglugerð Evrópuþingsins og ráðsins (EB) nr. 2320/2002):

ANDØYA (herflugvöllur með almennri flugumferð)

BÅTSFJORD

BERLEVÅG

FØRDE, Bringeland

HAMMERFEST

HASVIK

HONNINGSVÅG, Valan

LEKNES

MEHAMN

MO I RANA, Røssvoll

MOSJØEN, Kjærstad

NAMSOS

NARVIK, Framnes

ØRSTA/VOLDA, Hovden

RØRVIK, Ryum

RØST

SANDANE, Anda

SANDNESSJØEN, Stokka

SOGNDAL, Haukåsen

SØRKJOSEN

STOKMARKNES, Skagen

SVOLVÆR, Helle

VADSØ

VÆRØY (þyrluflugvöllur)

VARDØ, Svartnes“